

ISLAMSKA ZAJEDNICA U BOSNI I HERCEGOVINI  
ELČI IBRAHIM-PAŠINA MEDRESA  
TRAVNIK

## **P R A V I L N I K**

O NAGRADAMA, POHVALAMA I ODGOJNO-DISCIPLINSKIM MJERAMA

U skladu sa odredbama Pravila Medrese član 13. stav 1 alineja 1 Upravni odbor Elči Ibrahim – pašine medrese u Travniku, na sjednici održanoj 23. augusta 2012. godine, usvojio je:

## P R A V I L N I K O POHVALAMA - NAGRADAMA I ODGOJNO-DISCIPLINSKIM MJERAMA

### Član 1.

Ovim Pravilnikom se propisuje način, sadržaj i druga pitanja vezana za pohvale, nagrade i odgojno-disciplinske mjere učenicima Elči Ibrahim-pašine medrese u Travniku

### POHVALE I NAGRADE

### Član 2.

Učenicima koji postižu posebne rezultate u odgojno-obrazovnom procesu i u drugim aktivnostima značajnim za Medresu, Islamsku zajednicu i Bosnu i Hercegovinu mogu se dodjeljivati nagrade i pohvale.

Nagrade i pohvale mogu se dodjeljivati pojedincima, grupama i odjeljenjima.

Prijedlog za dodjeljivanje nagrada i pohvala mogu dati učenici, razrednici, odgajatelji, nastavnici, Odjeljska vijeća, Nastavničko vijeće, Upravnik internata i direktor.

### Član 3.

Pohvale i nagrade mogu dodjeljivati odjeljska vijeća, Nastavničko vijeće, Upravni odbor i Reisu-l-ulema Islamske zajednice.

Za vrlo-dobar uspjeh i primjerno vladanje pohvalu ističe Odjeljsko vijeće.

Nastavničko vijeće izriče pohvalu učenicima za odličan uspjeh i primjerno vladanje, kao i pohvale i nagrade odjeljenju ako je najbolje po opštem uspjehu i primjernom vladanju u školi.

Nastavničko vijeće dodjeljuje pohvale i nagrade učenicima za uspjehe na takmičenjima i rad u slobodnim aktivnostima.

Za preporuke i specijalne nagrade nadležan je Upravni odbor Elči Ibrahim-pašine medrese u Travniku.

### Član 4.

Pohvale i nagrade se saopštavaju i dodjeljuju pred učenicima odjeljenja, Medrese, prilikom svečanosti, putem oglasa.

Nagrade mogu biti u vidu: knjige, levhe, slike, besplatne ekskurzije, izleta, novčane, kao i stipendija.

### Član 5.

Pohvale za vrlodobar uspjeh i primjerno vladanje evidentiraju se u odjeljske knjige, dok se pohvale za odličan uspjeh i primjerno vladanje evidentiraju u odjeljske knjige i Matičnu knjigu.

Nagrađeni i pohvaljeni učenici se evidentiraju i u Ljetopis Medrese.

#### Član 6.

Preporuke za stipendiju, nagrade i druga materijalna davanja na zahtjev učenika daje Nastavničko vijeće i Upravni odbor.

#### Član 7.

Učenik, roditelj ili staratelj može uložiti žalbu na nepravilnost oko dodjeljivanja pohvale, nagrade i preporuke organu koji je donio odluku u roku od 8 dana od dana obavijesti.

### ODGOJNO-DISCIPLINSKE MJERE

#### Član 8.

Učenici su dužni da savjesno i marljivo izvršavaju radne obaveze i poštuju Kućni red Medrese.

Za povrede discipline učenici odgovaraju disciplinski.

Učenici odgovaraju i materijalno za štetu koju učine Medresi namjerno ili iz krajnje nepažnje.

#### Član 9.

Povrede discipline mogu biti teže i lakše.

##### **Teže povrede discipline su:**

- Omalovažavanje vjerskih propisa i zanemarivanje vjerskih dužnosti,
- Omalovažavanje, ponižavanje, potvaranje ili bilo koji drugi neprimjeren odnos prema profesorima ili osoblju Medrese,
- Iznošenje u javnost i medije (Radio, TV, internet, printani mediji) od strane učenika bilo čega što će štetiti ugledu Medrese ili uposlenika Medrese,
- Krađa, tuča, laž, psovka, vrijeđanje i klevetanje,
- Neprikladno ponašanje prema uposlenicima Medrese, kao i predstavnicima organa Islamske zajednice,
- Zalaženje u lokale gdje se toči alkohol, konzumiranje alkoholnih pića, jedenje svinjskog mesa i prerađevina od njega, konzumiranje droge, kockanje, nemoral, te svako ponašanje koje šteti ugledu Medrese i Islamske zajednice,
- Prepravka i dopisivanje dokumenata u evidenciji koju vodi Medresa (Odjeljskoj i Matičnoj knjizi), u svjedodžbi, diplomu i drugim javnim ispravama koje izdaje i koristi Medresa,
- Neopravdano izostajanje sa nastave i drugih oblika odgojno-obrazovnog rada u Medresi više od 7 radnih dana,
- Nedopušteno napuštanje internata nakon večerjavanja,
- Neopravdano prekomjerno i učestalo kašnjenje na nastavu ili na korepeticiju,
- Druge povrede utvrđene odlukama organa Medrese i drugim aktima Medrese.

##### **Lakše povrede discipline su:**

- Neopravdano izostajanje sa nastave i drugih oblika odgojno-obrazovnog rada u manjem broju sati,
- Dolazak na nastavu sa zakašnjenjem ili neopravdano napuštanje nastave prije njenog završetka, kao i kašnjenje na korepeticiju,

- Ometanje nastavnika u izvođenju nastave,
- Ometanje drugih učenika dok uče,
- Neprikladno oblačenje i frizura,
- Druge povrede utvrđene odlukama organa Medrese i drugim aktima Medrese.

#### Član 10.

Učenicima zbog njihovog neprimjerenog ponašanja mogu se izreći sljedeće odgojno-disciplinske mjere:

- Opomena,
- Ukor razrednika – povlači iz vladanja ocjenu vrlo dobar,
- Ukor odjeljenskog vijeća – povlači ocjenu dobar,
- Ukor direktora – povlači ocjenu zadovoljavajuće,
- Ukor nastavničkog vijeća – povlači ocjenu loše,
- Isključenje iz Škole.

Ukor nastavničkog vijeća i isključenje iz Škole izriče nastavničko vijeće, o čemu se donosi rješenje.

Učenik, odnosno njegov roditelj ili staratelj na odgojno-disciplinske mjere: ukor nastavničkog vijeća i isključenje iz škole, mogu podnijeti žalbu upravnom odboru Medrese.

#### Član 11.

Izrečena odgojno-disciplinska mjera povlači snižavanje ocjene vladanja učenika.

Odgojno disciplinska mjera važi za školsku godinu za koju je izrečena, a u toku školske godine može se ublažavati ili ukinuti.

#### Član 12.

Odgojno-disciplinska mjera opomena razrednika izriče se za lakše povrede discipline, a opomena pred isključenje i isključenje iz Medrese izriču se za teže povrede discipline.

#### Član 13.

Protiv učenika koji je napravio težu povredu discipline pokreće se disciplinski postupak.

Prijavu za pokretanje postupka iz prethodnog stava mogu podnijeti nastavnici, odgajatelji, kao i svi ostali uposlenici, učenici i direktor Medrese.

Disciplinski postupak pokreće direktor Medrese pismeno.

Direktor imenuje disciplinsku komisiju od najmanje tri člana; razrednika kao predsjednika komisije i dva člana iz reda nastavnika i odgajatelja u Medresi.

Učenik protiv koga je pokrenut postupak, njegov roditelj ili staratelj mora biti obaviješten o pokretanju disciplinskog postupka odmah i u pismenoj formi.

Učenik mora biti saslušan prije nego što se donese odluka o njegovoj odgovornosti.

Učenik mora dati i pismenu izjavu o prekršaju.

Tokom cijelog postupka jedan od članova komisije vodi zapisnik u koji se unose iskazi i činjenice bitne za utvrđivanje odgovornosti učenika.

Izveštaj o provedenom postupku i utvrđenim činjenicama, kao i prijedlog disciplinske mjere komisija dostavlja Nastavničkom vijeću na donošenje odluke.

Izveštaj mora sadržavati ime i prezime učenika, kratak opis učinjene povrede, mjesto i vrijeme njenog izvršenja, i prijedlog disciplinske mjere.

#### Član 14.

Učenik, odnosno, njegov roditelj ili staratelj, na odgojno-disciplinske mjere – ukor Nastavničkog vijeća, mogu podnijeti žalbu Upravnom odboru Medrese u roku od 3 dana od dana prijema rješenja.

Odluka Upravnog odbora je konačna.

#### Član 15.

Učenik kome je izrečena disciplinska mjera isključenja iz Medrese ne može biti više učenik ove škole.

#### Član 16.

Odredbe o urednom vladanju ovih Pravila obavezuju učenike Medrese i za vrijeme Ramazana i ferijalne prakse, godišnjih ferija i drugih blagdana kada nema nastave i učenik je za njihove povrede odgovoran na isti način kao da je povredu očinio za vrijeme redovne nastave u Medresi.

#### Član 17.

Ukoliko je odgojno-disciplinska mjera odgojno djelovala na učenika ona se može ublažiti izricanjem blaže disciplinske mjere ili ukinuti ako je disciplinskom mjerom postignut odgojno-obrazovni cilj.

Ublažavanje ili ukidanje disciplinske mjere na prijedlog razrednika, vrši organ koji je izrekao mjeru.

#### Član 18.

Učenik koji namjerno ili iz krajnje nepažnje prouzrokuje materijalnu štetu Medresi dužan ju je nadoknaditi. Ako štetu prouzrokuje više učenika, svaki je odgovoran za dio štete koju je prouzrokovao. Ako se pojedinačno sudjelovanje svakog učenika u šteti ne može pouzdano utvrditi, smatra se da su svi učenici podjednako odgovorni i štetu nadoknađuju zajednički.

#### Član 19.

Učenik može biti oslobođen naknade štete u cjelini ili djelimično, samo ako bi plaćanje naknade njegovu porodicu dovelo u teško materijalno stanje, ili ako zbog teškog materijalnog stanja nije u mogućnosti platiti štetu.

Odluku o oslobađanju učenika od plaćanja naknade za prouzrokovanu štetu može donijeti direktor na osnovu pismene molbe učenika ili roditelja, te relevantnih pokazatelja da se radi o teškom materijalnom stanju.

Oslobađanje učenika od naknade štete ne oslobađa ga od disciplinske mjere.

#### Član 20.

Postupak za utvrđivanje odgovornosti učenika za počinjenu štetu je hitan, a pokreće ga razredni starješina ili pomoćnik direktora za učenički dom odmah po saznanju za nastalu štetu i počinioca.

O materijalnoj odgovornosti učenika odlučuje direktor ili pomoćnik direktora za učenički dom.

Visina štete se utvrđuje na osnovu procjene.

Član 21.

Postupak za utvrđivanje odgovornosti učenika zastarijeva u roku od 6 mjeseci od dana pričinjene štete.

Član 22.

Za odgojno-disciplinsku mjeru nastavničkog vijeća i isključenje iz Medrese izdaje se Rješenje, koje se dostavlja roditelju ili staratelju učenika, dok se ostale disciplinske mjere evidentiraju u odjeljensku knjigu i o tome se pismeno obavještava roditelj ili staratelj.

Član 23.

Učeniku se zbog nepravdanih časova izriču odgojne-disciplinske mjere. Neopravdani izostanci učenika od 5 do 10 sati zaključno povlače ocjenu iz vladanja vrlo dobar, od 11 do 18 sati zaključno ocjenu dobar, od 19 do 23 sati zaključno ocjenu zadovoljava, od 24 do 30 sati ocjenu loše, a preko 30 sati učenik gubi status redovnog učenika.

Učeniku se ne može popraviti ocjena iz vladanja ukoliko je izrečena zbog nopravdanih izostanaka.

Član 24.

Pravilnik stupa na snagu danom usvajanja na Upravnom odboru Elči Ibrahim-pašine medrese u Travniku.

Odredbama ovog Pravilnika moraju se upoznati nastavnici i učenici Medrese odmah nakon njegovog usvajanja, a nove generacije Medrese bit će upoznati na početku školske godine.

Broj: 01-1-02-692/12  
U Travniku; 07.09.2012. godine

Predsjednik Upravnog odbora  
mr. Nusret Abdibegović